

Noveni itegura Umunsi Kiliziya Gatolika yashyizeho wo kwibuka no gusabira abazize Jenoside yakorewe Abatutsi

Umunsi wa mbere : Ku wa kane 28/04/ 2022

- **Indirimbo:** Ndi umukristu ndi uwa Yezu
- **Isengesho** risaba ubumwe bw'abakristu (Igitabo cy'umukristu p.129)

“ Kubona isura y’Imana muri buri wese ”

- **Ijambo y’Imana:** Intg 1, 27-28
- **Umuyoboro w’ibitekerezo:** *Umuntu wese yaremwe mu ishusho ry’Imana.*

Umukristu yahawe ubushobozi bwo kubona isura y’Imana mu mwana wese, umugabo wese, umugore wese, mu murwayi, mu mbabare no mu bakene bese. Irondakoko ntirishobora guturana n’ubukristu nk’uko inabi n’ineza bitabana icyarimwe mu mutima umwe. Hari ubwo dushobora gukunda umuntu kubera ko dusangiye amavuko, ubwoko cyangwa akarere. *“Maze se nimuramutsa gusa abo muva inda imwe, muzaba murushije iki abandi? Ese abatazi Imana bo, si ko babigenza?”*(Mt 5,47). Ese iwacu mu muryango remezo hagaragara urukundo rw’ukuri ku batuye mu mbibi zawo bese?

- **Umugambi:** Kugaruka ku gaciro ka Batisimu twahawe itugira abana b’Imana n’abavandimwe muri Kristu.
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw’iteka rubamurikire, baruhukire mu mahoro”.

Umunsi wa kabiri: Ku wa gatanu 29/04/2022

- **Indirimbo:** Ndi uwawe Nyagasani Yezu
- **Isengesho** risaba ubumwe bw'abakristu (Igitabo cy'umukristu p.129)

“ Guhinduka nta buryarya”

- **Ijambo ry’Imana:** 2 Kor 5,20
- **Umuyoboro w’ibitekerezo:** *Nitureke Imana itwigarure, duse na Yo koko, kuko yatugize abana bayo.*

Iyo turebye imibereho n'imibanire yacu dusanga twarahindutse koko abana b'Imana? Ese tubanira abantu bose nk'abavandimwe bacu? Mu byo dutekereza, tuvuga cyangwa dukora Imana ifite umwanya wa mbere mu kubitubwiriza cyangwa dukora ikidushimisha aho kubanza kureba ko bishimisha Imana na bagenzi bacu?

- **Umugambi:** Kuvugurura umubano hagati yacu
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Mariya**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa gatatu: Ku wa gatandatu 30/04/2022

- **Indirimbo:** Ndashaka kwiturira mu rukundo rwawe
- **Isengesho** risaba ubumwe bw'abakristu (Igitabo cy'umukristu p.129)

“ Kwiyakira no kwakira mugenzi wawe”

- **Ijambo ry'Imana: 1Yh 4, 20-21**
- **Umuyoboro w'ibitekerezo:** *Umuntu wiyakiriye ni we ushobora kwakira mugenzi we.*

Umuntu utiyizi neza abaho nabi. Hari ubwo dushobora gukeka ko tuzi kandi tubona Imana tutaramenya kandi ngo tubone bagenzi bacu, icyo gihe tuba twibeshya. Umuntu uzi neza ko yaremwe mu ishusho ry'Imana ariyubaha aho ari hose. Bene uwo muntu yubaha n'abandi bose kuko aba zi ko nabo baremwe nka we mu ishusho ry'Imana. Ujya gutera uburezi arabwibanza. Ese ujya uzirikana agaciro ufite mu maso y'Imana? Ako gaciro se ukabona no muri bagenzi bawe?

- **Umugambi:** Kwihatira kwakira no gukunda abantu bose .
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa kane : Ku cyumweru 01/05/2022

- **Indirimbo:** Niwowe Mugenga wanjye Yezu
- **Isengesho** risaba ubumwe bw'abakristu (Igitabo cy'umukristu p.129)

“ Kwiyinga n'amateka yawe ababaje ”

- **Ijambo ry'Imana: Heb 12, 3**
- **Umuyoboro w'ibitekerezo:** *Ni ngombwa kwiyumanganya mu bigeragezo.*

Buri wese afite ibyamubabaje mu mateka ye. Ariko si byiza kugereranya ubububare kuko buri wese ubabaye aba ababaye nyine. Yezu Kristu buri gihe ababarana n'abababaye. Ese amateka mabi wanyuzemo wigeze wibuka ko uri kumwe na We? Ese uribuka uburyo We yababaye, abamubabaje n'impamvu yemeye kubabara? Ese wemera ko yababaye kugira ngo umutima wawe utazacogozwa n'ukwiheba? Ese wemera udashidikanya ko ari We buruhukiro? “ Nimungane mwese abarushye n'abaremerewe , jye nzabaruhura”(Mt 11,28).

- **Umugambi:** Kwitoza gutura Yezu amateka yacu n'aya bagenzi bacu mu Isengesho rya buri munsi.
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa gatanu: Ku wa mbere 02/05/2022

- **Indirimbo:** Nyagasani umwe, Batisimu imwe, Ukwemera kumwe
- **Isengesho** risaba ubumwe bw'abakristu (Igitabo cy'umukristu p.129)

“ Kutirengagiza ibikomere bya mugenzi wawe”

- **Ijambo ry'Imana: 1Pet 3,8**
- **Umuyoboro w'ibitekerezo:** *Mu mibanire y'abakristu nta mukristu uba Nyamwigendaho cyangwa Ntibindeba.*

Ese aho mutuye muraziranye? Mu bo muturanye se nta we uzi wakomeretse kubera urwango cyangwa inabi yagiriwe? Nta nshike , abapfakazi n'imfubayi kubera intambara cyangwa Jenoside yakorewe abatutsi muturanye cyangwa mukorana? Ubafasha ute? Ubagirira impuhwe? Ni

ubuho bufasha waba warahaye mugenzi wawe wakomerekejwe n'amateka mabi yanyuzemo?

- **Umugambi:** Gufasha abaturanyi bacu bakomeretse tutabacira urubanza
- **Isengesho** rya Mutagatifu Fransisiko wa Asize Dawe
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

- Umunsi wa gatandatu: Ku wa kabiri 03/05/2022

- **Indirimbo :** Roho w'Imana ngwino
- **Isengesho** risaba ubumwe bw'abakristu (Igitabo cy'umukristu p.129)

“Ubuwandimwe bugaragarira mu gufasha abababaye”

- **Ijambo ry'Imana:** Mat 25, 31-46
- **Umuyoboro w'ibitekerezo:** *Ese ujya ubona abababaye, abarwaye, abafunzwe, abafite agahinda, abihebye cyangwa abarira hafi yaho utuye?mu kazi ukora?*

Niba ubabona se ubamarira iki? Uhita wibuka se ko Yezu abarimo? Niba se utababona koko ntabwo muturanye cyangwa wirinda kubabona? Yezu yavuze ko nimuhura azakwibutsa ko mwahuye agira ngo akwibutse uyu munsi kuja umubona muri bagenzi bawe?

- **Umugambi:** Kumenya abakeneye ubufasha batuye mu mbizi z'Umuryango remezo, aho utuye cyangwa aho ukorera no kubafasha.
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa karindwi : Ku wa gatatu 04/05//2022

- **Indirimbo:** Rumuri rutazima
- **Isengesho** risaba ubumwe bw'abakristu (Igitabo cy'umukristu p.129)

“Umukristu nyawe ni uzi gusaba no gutanga imbabazi”

- **Ijambo ry'Imana: Mt 18,21-22**
- **Umuyoboro w'ibitekerezo:** *Umukristu ni usa na Kristu.*

Ababarira igihe cyose kandi agasaba imbabazi igihe cyose yahemutse. Umukristu azi neza ko kubabarira biruta kubabarirwa. Kuko kubabarira bisaba kugira urukundo naho kubabarirwa akaba ari ukugirirwa urukundo n'impuhwe. Ese mu mateka abanyarwanda twanyuzemo nta muntu waguhemukiye ku buryo bukabije? Wari wamuha imbabazi se? Gutanga imbabazi biruhura uzitanze bikanabohora uzakiriye. Nta muntu se wahemukiye ku buryo wumva umusaraba ahetse ubu ari wowe wawumukoreye? Wari wahaguruka se ukajya kumusaba imbabazi?

- **Umugambi:** Kugira ubutwari bwo kwegera uwo mufitanye akantu ukamuha cyangwa ukamusaba imbabazi.
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa munani : Ku wa kane 05/05/2021

- **Indirimbo:** Twaje Mana yacu
- **Isengesho** risaba ubumwe bw'abakristu (Igitabo cy'umukristu p.129)

“Kubana no kunga ubumwe mu muryangoremezo”

- **Ijambo ry'Imana: Gal 3,27-28**
- **Umuyoboro w'ibitekerezo:** *“Aba Kristu Yezu babambye ku musaraba umubiri wabo n'ingeso mbi ndetse n'irari” (Gal 5,24)*

Muri izo ngeso harimo irondakoko n'amacakubiri. Iwanyu haba hari abantu batibona muri bagenzi babo kubera ubwoko cyangwa inkomoko byabahumye amaso? Niba bahari mubafasha mute? Ese mu muryango remezo wanyu mwakirana kivandimwe mwese kandi nta buryarya?

Ese muzi neza ko gutandukana kwacu (ubudasa) ari ubukungu bunyuranye Imana yaduhaye kugira ngo twuzuzanye?

- **Umugambi:** Gufatira hamwe ingamba zo kurwanya amacakubiri n'irondakoko cyangwa kubikumira mu mbizi z'Umuryangoremezo
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Marira**
- **Bikiramariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

Umunsi wa cyenda: Kuwa gatanu 06/05/2022

- **Indirimbo:** Ni wowe Rutare rwanjye Mana yanjye
- **Isengesho** risaba ubumwe bw'abakristu (Igitabo cy'umukristu p.129)

“ Byose bihira abakunda Imana”

- **Ijambo ry'Imana: Rom 8,35-37**
- **Umuyoboro w'ibitekerezo:** *Umukristu arangwa no kwizera Imana kuruta byose kuko ari Yo ishobora byose.*

Nta kintu na kimwe gishobora gukuraho urukundo Imana idukunda. Ibi urabyizera? Mu byago byose wanyuzemo n'ibyo uzanyuramo Imana iba ikuri iruhande. Kuyizera ni byo bituma umuntu atiheba. Ni byo bituma umuntu adaheranwa n'agahinda. Ni byo bituma abantu baba intwari aho rukomeye.. Ni byo bituma abantu bashobora kwiyinga nyuma y'amacakubiri, inabi n'ubugome no kongera gufatanya urugendo mu nzira y'ubuzima Imana iduhamagarira.

- **Umugambi:** Gufashanya mu kubaka ejo heza ha buri wese.
- **Isengesho** rya Mutagatifu Fransisko wa Asizi
- **Dawe Uri mu ijuru**
- **Ndakuramutsa Maria**
- **Bikira Mariya Nyirimpuhwe**
- **Hubahwe Imana na Data**

“Nyagasani bahe iruhuko ridashira maze urumuri rw'iteka rubamurikire, baruhukire mu mahoro”.

- **Magnificat:** Roho yanjye irasingiza Nyagasani